



Sadržaj

Politika o saradnji sa
iseljeništvom - 2

U Minhenu održan sastanak sa
predstavnicima iseljeništa - 3

Memorandum o razumijevanju za
provedbu projekta Dijaspore za
razvoj - 4

Mapiranje dijaspore u deset
zemalja - 5

Vijeće ministara BiH: Poboľšati
dopunsko obrazovanje djece bh.
iseljenika u inozemstvu - 5

Predstavnici BKSS posjetili Sektor
za iseljeništo - 6

Održani deveti "Dani BHAAAS u
BiH" - 7

Memorandum o saradnji Ministarst-
va za ljudska prava i izbjeglice BiH
i BHAAAS - 8

BiH u osam projekata Evropske
unije - 9

Vijeće ministara BiH: Vraćeno
1.939 državljana BiH po osnovu
sporazuma o readmisiji - 9

BiH i SAD: Efikasnije procedure
za povratak osoba koje borave bez
dozvole - 10

Sporazum o saradnji Vijeća mini-
stara BiH i NVO - 10

Književno stvaralaštvo, izdavaštvo
i naučna literatura na Sarajevskom
sajmu knjige 11

Uvod

Ministarstvo za ljudska prava i izbjeglice Bosne i Hercegovine u svojoj nadležnosti, između ostalog, ima i saradnju sa iseljeništvom, koju ostvaruje putem Sektora za iseljeništo. U okviru nadležnosti, ovaj sektor, između ostalog, predlaže utvrđivanje politike i provodi utvrđenu politiku u oblasti iseljeništa, daje primjedbe, prijedloge i sugestije u pripremi zakona, podzakonskih akata i drugih propisa iz ove oblasti, prati i predlaže zaključivanje bilateralnih sporazuma iz oblasti od značaja za iseljeništo, prikuplja i obrađuje statističke i druge podatke o iseljeništvu iz Bosne i Hercegovine, radi na redovnom informiranju bosanskohercegovačkog iseljeništa o stanju u Bosni i Hercegovini, a naročito o pitanjima od značaja za iseljeništo, ostvaruje saradnju sa klubovima i udruženjima bosanskohercegovačkih iseljenika, po odobrenju ministra informira javnost o pitanjima iz svoje nadležnosti.



Imajući u vidu ove nadležnosti, Vijeće ministara Bosne i Hercegovine usvojilo je, na prijedlog Ministarstva za ljudska prava i izbjeglice Bosne i Hercegovine, Politiku u saradnji sa iseljeništvom ("Službeni glasnik BiH" br. 38/17), prvi dokument kojim je predviđeno niz aktivnosti Ministarstva za ljudska prava i izbjeglice Bosne i Hercegovine i ostalih institucija nadležnih za oblast iseljeništa.

Jedna od aktivnosti koju provodi Sektor za iseljeništo je i informiranje iseljeništa o događanjima u Bosni i Hercegovini. Iz tog razloga smo kreirali ovaj periodični Newsletter kako bismo bosanskohercegovačke iseljenike informirali o aktivnostima koje provodi Ministarstvo za ljudska prava i izbjeglice Bosne i Hercegovine u oblasti iseljeništa.

Želimo i na ovaj način unaprijediti komunikaciju sa brojnim iseljenicima iz Bosne i Hercegovine i otvoriti još jedan kanal komunikacije institucija Bosne i Hercegovine i naših iseljenika, kao jednog od značajnih, ali nedovoljno korištenih potencijala.



Politika o saradnji sa iseljeništvom

Vijeće ministara Bosne i Hercegovine je na sjednici održanoj 18. aprila 2017. godine usvojilo Politiku o saradnji sa iseljeništvom Bosne i Hercegovine. Riječ je o prvom dokumentu kojim se institucionalizira saradnja između Bosne i Hercegovine i njenog iseljeništva, a koji je plod saradnje Ministarstva za ljudska prava i izbjeglice BiH i drugih institucija u našoj zemlji s ciljem unaprjeđenja saradnje sa iseljeništvom na obostrani interes.

Politika predstavlja putokaz i izraz volje dugoročne saradnje između države Bosne i Hercegovine i njenog iseljeništva. Tim dokumentom su definirani principi kojim će se rukovoditi sve institucije prilikom poduzimanja aktivnosti i stvaranja uslova za saradnju sa iseljeništvom. Ovim dokumentom su postavljena tri osnovna cilja: razvoj pravnog sistema i institucionalnih kapaciteta, pružanje podrške iseljeništvu i unaprjeđenje saradnje te stvaranje uslova za veći doprinos iseljeništva razvoju Bosne i Hercegovine.

Ministrica za ljudska prava i izbjeglice BiH Semiha Borovac je kazala kako o značaju dokumenta govori i podatak da u svijetu živi oko dva miliona Bosanaca i Hercegovaca ne računajući "staru emigraciju". U ogromnoj većini to je eko-

nomski jako i obrazovano iseljeništvo koje je snažno privrženo domovini BiH.

Kao najvažnija karika u procesu saradnje sa iseljeništvom prepoznate su lokalne zajednice. Osim jačanja kapaciteta lokalnih zajednica za saradnju sa iseljeništvom, planirana je i izrada liste investicijskih projekata koja će biti dostupna iseljeništvu i na taj način se stvaraju pretpostavke da iseljeništvo investira svoj kapital s ciljem pružanja podrške ekonomskom razvoju svoje domovine, a istovremeno i sticanja dobiti iz spomenutih investicija.

Politikom je predviđena i izrada razvojnog dokumenta kojim će biti uspostavljen program za investiranje i štednju iseljeništva, kao i uklanjanje administrativnih barijera.

„Usvajanjem Politike BiH šalje snažnu poruku da nije zaboravila svoje iseljeništvo“, poručila je ministrica Borovac najavivši kako će u narednom periodu se pristupiti izradi strategije i akcionog plana saradnje sa iseljeništvom BiH čime će dodatno biti konkretizirana ova oblast od koje će korist imati i iseljeništvo i bosanskohercegovački građani.

Politika o saradnji sa iseljeništvom objavljena je u Službenom glasniku BiH broj 38/17.

U Minhenu održan sastanak sa predstavnicima iseljeništva

U cilju realizacije aktivnosti 2.2. Jačati kapacitete organizacija u iseljeništvu i uspostaviti mehanizam za predstavljanje iseljeništvu u zemljama prijema i u BiH iz Politike o saradnji sa iseljeništvom koju je usvojilo Vijeće ministara BiH na 99. sjednici održanoj 18.04.2017.godine ("Službeni glasnik BiH" broj 38/17) u subotu, 7. 10. 2017. godine u Generalnom konzulatu BiH u Minhenu održan je prvi sastanak za osnivanje Reprezentativnog tijela iseljeništvu u Saveznoj Republici Njemačkoj.

Iz BiH sastanku su prisustvovali zamjenik ministricе za ljudska prava i izbjeglice BiH Predrag Jović, savjetnik ministricе Kemo Sarač, Tugomir Čuljak, savjetnik za dijasporu predsjedavajućeg Predsjedništva BiH Dragana Čovića i šefica Odsjeka za privrednu, obrazovnu, naučnu i kulturnu saradnju u Sektoru za iseljeništvu Ministarstva za ljudska prava i izbjeglice Isma Stanić.

Sastanku je prisustvovalo više od 70 predstavnika organizacija i pojedinaca iz iseljeništvu, Ambasade BiH u Berlinu i diplomatsko-konzularnih predstavništava BiH u Minhenu, Frankfurtu i Štutgartu.

Na sastanku je razgovarano o uspostavi Reprezentativnog tijela iseljeništvu u Njemačkoj koje bi, prema svom sastavu, oslikavalo i zastu-



palo cjelokupno iseljeništvu iz Bosne i Hercegovine u ovoj zemlji, a u koje bi bili uključeni predstavnici svih naroda - predstavnici organizacija iseljeništvu i pojedinci u Njemačkoj. Glavna uloga ovog tijela bilo bi zastupanje interesa iseljeništvu u BiH i u Njemačkoj.

Predstavnice i-dijaspore iz Švicarske Jasmina Opardija-Šušnjar i Anita Vasić prenijele su učesnicima skupa iskustva iseljeništvu iz Švicarske u organiziranju sličnog tijela u toj zemlji.

Nakon konsultacija koje će obaviti predstavnici iseljeništvu unutar svojih organizacija, biće organiziran drugi sastanak u DKP BiH u Štutgartu ili Frankfurtu krajem novembra 2017. godine.



Memorandum o razumijevanju za provedbu projekta Dijaspora za razvoj



Ministrica za ljudska prava i izbjeglice BiH Semiha Borovac, ambasadorica Švicarske Konfederacije u BiH Andrea Rauber Saxer, v.d. šefice Misije Međunarodne organizacije za migracije u BiH Radmila Urošević i rezidentna predstavnik Razvojnog programa UN-a u BiH Sezin Sinanoglu potpisale su 16. maja 2017. godine u Sarajevu Memorandum o razumijevanju za provedbu projekta Dijaspora za razvoj.

Projekat „Uvrštavanje koncepta migracija i razvoja u relevantne politike, planove i aktivnosti u Bosni i Hercegovini: Dijaspora za razvoj (D4D)“ ima za cilj doprinijeti poboljšanju socio-ekonomskih prilika za sve građane Bosne i Hercegovine kroz snažniju saradnju s dijasporom. Projekat će biti proveden do 2020. godine, a njegova vrijednost je oko 10,5 miliona KM, od čega je finansijski doprinos Vlade Švicarske oko 9.320.000 KM.

U okviru ovog projekta bit će pružena podrška Ministarstvu za ljudska prava i izbjeglice BiH u izradi Strategije saradnje s iseljeništvom, a koja je predviđena nedavno usvojenom Politikom o saradnji sa iseljeništvom. Na ovaj način osigurana je i podrška na jačanju kapaciteta institucija u BiH na različitim nivoima vlasti za saradnju sa iseljeništvom, podrška za uspostavu predstavničkih tijela dijaspore u Njemačkoj i Austriji, kao i mapiranje potencijala iseljništva u 10 zemalja prijema (Austrija, Švicarska, Njemačka, Sjedinjene Američke Države, Australija, Slovenija, Danska, Švedska, Italija i Holandija).

Na lokalnom nivou projekat će osnažiti kapacitete općina u smislu pružanja kvalitetnijih usluga, umrežavanja i bolje saradnje sa dijasporom, uključivanja dijaspore u lokalne razvojne planove, prenosu znanja u lokalne zajednice i investiranja dijaspore.

Mapiranje dijaspore u deset zemalja

Ministarstvo za ljudska prava i izbjeglice Bosne i Hercegovine i Međunarodna organizacija za migracije (IOM) provode istraživanje mapiranja iseljeničtva iz BiH u 10 zemalja prijema: Austriji, Danskoj, Holandiji, Italiji, Njemačkoj, Sloveniji, Švedskoj, Švicarskoj, SAD-u i Australiji, što je u skladu sa dokumentom Politika o saradnji s iseljeničtvom usvojenom na 99. sjednici Vijeća ministara BiH 18.04.2017. godine.

Aktivnost se realizuje u okviru šireg četverogodišnjeg projekta pod nazivom "Uvrštavanje koncepta migracija i razvoja u relevantne politike, planove i aktivnosti u Bosni i Hercegovini: Dijaspore za razvoj (D4D)" koji finansira Ambasada Švicarske u BiH a glavni implementator je Razvojni program Ujedinjenih naroda (UNDP) u BiH. Opći cilj projekta je doprinijeti poboljšanju socio-ekonomskih prilika u Bosni i Hercegovini kroz snažniju saradnju s iseljeničtvom.

Vijeće ministara BiH: Poboljšati dopunsko obrazovanje djece bh. iseljenika u inozemstvu

Vijeće ministara BiH usvojilo je na sjednici održanoj 24. augusta 2017. godine Informaciju o potrebi za dopunskim obrazovanjem djece bosanskohercegovačkih iseljenika u inozemstvu

Zaduženo je Ministarstvo civilnih poslova da pripremi analizu troškova za unapređenje dopunskog obrazovanja djece u onim zemljama u kojima je najveći broj bosanskohercegovačkih iseljenika.

Dopunsko obrazovanje, kako se navodi u informaciji Ministarstva civilnih poslova, različito je organizirano od zemlje do zemlje, a time se razlikuju i potrebe za njim. BiH je do sada vrlo malo učinila na osnivanju dopunskog obrazovanja, izuzev izrade Nastavnog plana i programa za predmete dopunske nastave u osnovnoj i srednjoj školi za djecu u inozemstvu i izdavanja udžbenika dopunske nastave za djecu u inozemstvu od I. do IV. razreda osnovne škole. Međutim, obveza Bosne i Hercegovine po pitanju dopunske nastave iz nacionalnih predmeta, kako je ustanovljeno Okvirnim zakonom o osnovnom i srednjem obrazovanju u Bosni i Hercegovini iz 2003. godine, u smislu potpisivanja bilateralnih sporazuma sa zemljama prijema i osiguranja financijskih sredstava za dopunsku nastavu, ne prestaje.

U cilju unapređenja dopunskog obrazovanja, kako je zaključeno, potrebna je snažnija suradnja nadležnih ministarstva na državnoj razini, Mini-

starstva za ljudska prava i izbjeglice, Ministarstva civilnih poslova i Ministarstva vanjskih poslova, ministarstava nadležnih za obrazovanja na entitetskim i kantonalnim razinama, te bh. udruženja i organizacija u inozemstvu, kao i samih pojedinaca



Predstavnicima BKSS posjetili Sektor za iseljeništvo



Predstavnicima Bošnjačkog kulturnog saveza Slovenije (BKSS) razgovarali su 9. juna 2017. godine sa predstavnicama Sektora za iseljeništvo o aktivnostima ove organizacije i Sektora koje se odnose na poboljšanje međusobne saradnje.

Sastanku su prisustvovali u ime BKSS predsjednik ovog saveza Kerim Dizdar i članovi Denis Striković (koji je član Gradskog vijeća Grada Ljubljane), Muzafer Rovčanin i Adem Feratović, a u ime Sektora za iseljeništvo prisustvovala su Isma Stanić, šefica Odsjeka za privrednu, obrazovnu, naučnu i kulturnu saradnju i Zijada Đapo, viša stručna saradnica.

Bošnjački kulturni savez Slovenije je krovna organizacija, koja je osnovana 1996. godine i službeno je registrirana kao neprofitna organizacija koja ima status društva od javnog interesa na području kulture. U BKSS učlanjeno je devet bošnjačkih kulturnih društava koja djeluju u Sloveniji.

Dizdar je kazao da poteškoće u njihovom radu s aspekta sistemskog finansiranja predstavlja to što u Ustavu Slovenije Bošnjaci nisu priznati kao nacionalna manjina (što je slučaj i sa ostalim narodima sa područja bivše Jugoslavije), te ih tako tek za određene projekte finansijski pomažu Javni fond za kulturne djelatnosti Slovenije, Ministarstvo za kulturu Slovenije i Evropski socijalni fond. On je rekao i da je BKSS jedan od osnivača Saveza kulturnih društava naroda i narodnosti bivše Jugoslavije EXYUMAK, koji je

osnovan kako bi provodio aktivnosti na promjeni Ustava Slovenije, odnosno priznavanja nacionalnih manjina sa prostora bivše Jugoslavije koji žive u Sloveniji.

Posebno je istaknuta potreba očuvanja identiteta bh. iseljenika u Sloveniji, što bi podrazumjevalo mnogo aktivnije uključivanje i organizacija u Sloveniji, ali i bh. institucija u organiziranje dopunske nastave maternjeg jezika za drugu i treću generaciju iseljenika. Slovenija je jedna od zemalja sa brojnom bh. iseljeničkom zajednicom, što potvrđuje podatak da u Jesenicama bh. iseljenici čine 20 posto ukupnog stanovništva.

Isma Stanić je delegaciju BKSS upozнала o aktivnostima koje provodi Ministarstvo za ljudska prava i izbjeglice BiH – Sektor za iseljeništvo u ovoj oblasti. Posebno se osvrnula na Politiku o saradnji sa iseljeništvom i obavezama koje iz nje proizlaze, te projektu Dijaspore za razvoj, u okviru kojega će biti provedeno mapiranje dijaspore u deset zemalja, među kojima je i Slovenija. Predstavnicima BKSS su kazali kako su spremni uključiti se u mapiranje dijaspore u Sloveniji.

Tokom sastanka članovi delegacije BKSS su u više navrata istaknuli da, osim što Bošnjaci nisu priznata nacionalna manjina u Sloveniji, imaju zamjerke i na odnos njihove matične države BiH prema iseljenicima. Postaje, kažu, frustrirajuće to što BiH već duže vrijeme nema ambasadora u Sloveniji i što bh. zvaničnici, prilikom posjeta Sloveniji, nisu pokazivali interesovanje za susrete s iseljenicima iz BiH.





Održani deveti „Dani BHAAAS u BiH“

U Tesliću su 27. maja 2017. godine završeni trodnevni deveti Dani Bosanskohercegovačko-američke akademije umjetnosti i nauka (BHAAAS) u BiH, održani pod pokroviteljstvom Ministarstva za ljudska prava i izbjeglice BiH. Ovu, jednu od najznačajnijih manifestacija naučne dijaspore, otvorile su 25. maja ministrica za ljudska prava i izbjeglice BiH Semiha Borovac i predsjednica BHAAAS dr. Dušica Babović-Vuksanović.

„Ovo je jedan od najvećih naučnih skupova na Balkanu koji je i ove godine okupio više od 600 učesnika iz 17 zemalja svijeta. Tokom ovog skupa održano je 20 naučnih simpozija iz oblasti medicinskih i tehničkih nauka. Osim u Tesliću, dio simpozija održan je u Banja Luci“, kazala je Babović-Vuksanović.

Ministrica Borovac zahvalila je naučnoj dijaspori za nesebičan doprinos razvoju Bosne i Hercegovine.


„Iako ste odlično integrirani u razvijenim zemljama prijema, niste zaboravili domovinu – Bosnu i Hercegovinu i nastojite joj pomoći dijeljenjem onoga što najviše vrijedi – a to je znanje“, kazala je ministrica Borovac i dodala kako će Ministarstvo za ljudska prava i izbjeglice i ubuduće podržavati ovakve aktivnosti Akademije.

Učesnike „Dana BHAAAS u BiH“ na otvaranju su pozdravili koordinator Tehničke sekcije BHAAAS dr. Mirsad Hadžikadić, predsjednik Međunarodnog vijeća za velike električne sisteme CIGRE Edhem Bičakčić i načelnik Opštine Teslić Milan Miličević. Ovu manifestaciju podržali su i Društvo doktora medicine Republike Srpske i Ljekarska/liječnička komora Federacije BiH.

Predstavnik Ministarstva za ljudska prava i izbjeglice BiH prezentirao je na otvaranju „Dana BHAAAS u BiH“ Politiku o saradnji sa iseljeništvom BiH, kazavši da je ovo prvi dokument koji definiše saradnju institucija BiH na različitim nivoima sa bh. iseljeništvom.

Također, tokom ove manifestacije održana je godišnja Skupština Društva za razvoj, promociju i primjenu naprednih tehnologija, na kojoj su usvojeni izvještaj o radu u 2016. godini i program rada za narednu godinu. Ovo društvo je registrirano u BiH kao udruženje građana i organizacija koje su zainteresirane za razvijanje, unaprjeđenje i populariziranje svih oblasti naprednih tehnologija.

U umjetničkom dijelu skupa koncerte su održali Sarajevska filharmonija i Orkestar harmonika Accordeus iz Istočnog Sarajeva.



Memorandum o saradnji Ministarstva za ljudska prava i izbjeglice BiH i BHAAAS



Ministrica za ljudska prava i izbjeglice BiH Semiha Borovac i predsjednica Bosanskohercegovačko-američke akademije umjetnosti i nauka (BHAAAS) Dušica Babović - Vuksanović potpisale su 24. maja 2017. godine u Sarajevu Memorandum o saradnji kojim se definiše saradnja i zajedničko promoviranje učešća predstavnika BHAAAS-a, ali i cjelokupne naučne dijaspore BiH u razvojnim i drugim ključnim programima, projektima i procesima u BiH, u skladu s nedavno usvojenom Politikom saradnje s iseljeništvom BiH.

Ministrica Borovac je kazala da potpisivanjem ovog memoranduma praktično osiguravaju realizaciju jednog od ključnih zadataka iz Politike saradnje s iseljeništvom, a to je saradnja s naučnom dijasporom, čiji je doprinos neizmjeran u razvoju BiH.

Izrazila je zadovoljstvo što se ovaj memorandum potpisuje s Akademijom čije dosadašnje rezultate izuzetno cijeni, a koja je po brojnosti, profilu članstva i provedenim aktivnostima, najveća i najznačajnija organizacija akademske dijaspore BiH u svijetu.

- Ponosni smo na činjenicu da Akademija okuplja oko 320 istaknutih doktora nauka, profesionalaca u raznim oblastima i umjetnika bh. porijekla koji žive u Sjevernoj Americi, ali i u zapadnoj Evropi - navela je ministrica.

Ministarstvo za ljudska prava i izbjeglice ovim memorandumom se stavlja u funkciju posrednika između institucija u BiH na svim nivoima vlasti i naše naučne dijaspore radi razmjene informacija, iskustava i podrške u transferu znanja.

- Smatramo vas neodvojivim dijelom bh. društva i najboljim ambasadorima BiH u svijetu - istaknula je.

Predsjednica BHAAAS Dušica Babović-Vuksanović je kazala da je potpisani ovaj memorandum samo formalizacija već ustaljene saradnje i velike pomoći Ministarstva i ministricе Borovac.

- Naša organizacija je bazirana na volonterskoj osnovi. Mi smo svi profesionalci koji pokušavamo da vratimo svojoj matičnoj zemlji nešto što smo od nje dobili. Ne možemo nikada da se odužimo potpuno za sve što smo dobili iz ove zemlje, što smo ponijeli sa sobom, jer smo dobili više nego što ikada možemo vratiti kroz naš rad i kroz ovakvu saradnju - naglasila je Babović-Vuksanović.

Dodala je da pokušavaju s povezivanjem i s pomoći mlađim ljudima, s uspostavljanjem mostova.

- Mi donosimo ono što možemo, a to je naše znanje i iskustvo i naše konekcije - kazala je Babović-Vuksanović.



Vijeće ministara BiH: Vraćeno 1.939 državljana BiH po osnovu sporazuma o readmisiji

Vijeće ministara BiH usvojilo je na 109. sjednici Informaciju o prihvatu i integraciji bosanskohercegovačkih državljana koji se vraćaju u Bosnu i Hercegovinu po osnovu sporazuma o readmisiji u 2016. godini u kojoj se navodi da postoji dobra saradnja nadležnih institucija na svim nivoima u ovoj oblasti.

Ministarstvo za ljudska prava i izbjeglice BiH će nastaviti unaprjeđivati sistem koordinacije između svih uključenih institucija i organizacija na državnom i na nižim nivoima vlasti.

Ministarstvo za ljudska prava i izbjeglice u završnoj je fazi pripreme projekta „Integrirani program podrške za reintegraciju povratnika po osnovu Sporazuma o readmisiji” - faza 3, koji će ojačati sposobnost institucija BiH da odgovore na ubrzanu dinamiku prihvata bh. državljana koji se vraćaju po ovom osnovu.

Prema ovoj informaciji, 1.939 osoba u prošloj godini vraćeno je u BiH po osnovu sporazuma o readmisiji, što je značajno povećanje u odnosu na raniji period. Najveći broj povratnika u Federaciji BiH registriran je na području Tuzle (155), Sarajeva (79), Zenice (34), Visokog (20), Zavidovića (18), Živinica (18), Banovića (17), Travnika (14), dok je na području Republike Srpske najveći broj povratnika registriran na području Bijeljine (39) i Zvornika (30).

Zbog trenutne migrantske krize u Evropi, samo iz SR Njemačke postoje najave za povratkom oko 4.000 državljana BiH kojima je odbijen zahtjev za azil.

BiH u osam programa EU

Bosna i Hercegovina učestvuje u osam programa u okviru ciklusa programa Evropske unije u periodu 2014 – 2020, navodi se u Informaciji Direkcije za evropske integracije o učešću Bosne i Hercegovine u programima EU koju je razmotrilo Vijeće ministara BiH na 114. sjednici. Vijeće ministara BiH dalo je podršku aplikantima iz BiH u ovim programima.

Bosna i Hercegovina je u 2014. godini pristupila programima Erasmus+ (djelomično učešće u oblasti obrazovanja, obuke, mladih i sporta), Horizont 2020 (oblast nauke i inovacija) i Kreativna Evropa (oblast kulture i audiovizuelne djelatnosti). Istovremeno, BiH je od 2016. godine članica programa Evropa za građane (oblast civilnog društva), Fiskalis 2020 (oblast finansija) i Carino 2020, a 2017. godine pristupila je programima COSME (oblast poduzetništva) i Zdravlje za razvoj.

Učesnici iz BiH su putem 12 projekata u 2016. godini iz programa Horizont povukli 1.377.321,00 eura, što je značajno povećanje u odnosu na 2014. godinu kada je po ovom osnovu povučeno 165.875,00 eura. Bosna i Hercegovina je za sufinansiranje ulazne karte za članstvo u ovom programu u 2016. godini izdvojila 158.153,00 eura.

Za sedam projekata u oblasti mladih bh. aplikantima iz programa Erasmus+ odobreno je 376.061,49 eura, dok je u oblasti visokog obrazovanja odobren 91 projekt čiji su učesnici iz BiH.

Učesnici iz BiH povukli su 445.412,00 eura za ukupno 12 projekata odobrenih u sklopu programa Kreativna Evropa u prošloj godini, a dodatno je Evropska komisija BiH odobrila 59.986 eura za promociju ovog programa i pružanje podrške potencijalnim aplikantima iz BiH. Istovremeno je sufinansiranje članske karte u ovom programu iz budžeta BiH 2016. godine iznosilo 41 hiljadu eura.

BiH i SAD: Efikasnije procedure za povratak osoba koje borave bez dozvole

Vijeće ministara BiH utvrdilo je na 115. sjednici prijedlog osnova za vođenje pregovora i zaključivanje Sporazuma između Bosne i Hercegovine i Sjedinjenih Američkih Država o readmisiji osoba koje borave bez dozvola, koji će biti dostavljen Predsjedništvu BiH. Za potpisnika ovog sporazuma predložen je ministar sigurnosti BiH.

Bosna i Hercegovina i Sjedinjene Američke Države će zaključivanjem ovog sporazuma i na osnovu reciprociteta uvesti brže i efikasnije procedure identifikacije, te sigurnog i urednog povratka osoba koje ne ispunjavaju uvjete ulaska ili boravka na teritorijama dviju država.

Sporazum o saradnji Vijeća ministara BiH i NVO



Vijeće ministara BiH usvojilo je na sjednici održanoj 26. septembra 2017. godine Sporazum o saradnji između Vijeća ministara Bosne i Hercegovine i nevladinih organizacija u Bosni i Hercegovini kojim se praktično potvrđuje posvećenost izgradnji prosperitetnog, pravičnog, otvorenog, pluralnog i demokratskog društva u Bosni i Hercegovini.

Ministarstvo pravde BiH će objaviti ovaj sporazum na svojoj web stranici i provesti aktivnosti za njegovo potpisivanje s nevladinim sektorom.

Vijeće ministara BiH na ovaj način nastavlja aktivnosti na stvaranju poticajnog okruženja za razvoj civilnog društva u Bosni i Hercegovini i unapređenja institucionalnih mehanizama saradnje.

Nevladine organizacije koje mogu pristupiti ovom sporazumu su udruženja i fondacije koje

su osnovane saglasno važećim propisima u Bosni i Hercegovini.

Vijeće ministara i predstavnici NVO-a u BiH ovim sporazumom, između ostalog, potvrđuju opredijeljenost za saradnju na ispunjavanju uvjeta za punopravno članstvo Bosne i Hercegovine u Evropskoj uniji.

Sporazumom je, između ostalog, predviđeno jačanje kapaciteta Sektora za pravnu pomoć i razvoj civilnog društva Ministarstva pravde BiH te uspostavljanje savjetodavnog tijela Vijeća ministara BiH za saradnju s nevladinim organizacijama.

Zaključivanju ovog sporazuma prethodile su javne konsultacije s nevladinim organizacijama i institucijama BiH, koje su provedene od februara do maja ove godine.

Književno stvaralaštvo, izdavaštvo i naučna literatura iseljeništva na Sarajevskom sajmu knjige



Ministarstvo za ljudska prava i izbjeglice BiH i ove je godine, trinesti put zaredom, bilo pokrovitelj predstavljanja književnog stvaralaštva, izdavaštva i naučne literature autora i izdavača koji vode porijeklo iz Bosne i Hercegovine a žive izvan njenih granica.

U okviru 29. Međunarodnog sajma knjige, koji je održan u Centru Skenderija od 19. do 24. aprila 2017. godine, pod pokroviteljstvom Ministarstva za ljudska prava i izbjeglice BiH održane su 23 promocije i predstavljeno oko 80 novih naslova autora i izdavača iz inostranstva koji vode porijeklo iz Bosne i Hercegovine.

Na ovogodišnji javni poziv za predstavljanje autora i izdavača iz iseljeništva na Međunarodnom sajmu knjige Ministarstvu se prijavilo 30 autora i izdavača iz 15 zemalja: Austrije, Belgije, Danske, Finske, Francuske, Holandije, Hrvatske, Kanade, Luksemburga, Njemačke, Slovenije, Srbije, Švedske, Švicarske i Velike Britanije.

Za najbolju dječiju knjigu sajamska nagrada dodijeljena je Šimi Ešiću.

